



Publicaziuns officialas dils 16-08-2019

Damonda da baghegiar

Nr. 14.1/2019 midada da project
Datum da publicaziun: 16-08-2019
Patrun: Decurtins Ivo, 7175 Sumvitg
Liug e parcellas: Cadruvi; 1528
Object: sanaziun dil mir cun crappa rutta, prolungaziun dil tetg dil
 clavau ed adattaziun dall'entrada

Nr. 71/2019
Datum da publicaziun: 16-08-2019
Patrun: Beffa Remo, 7175 Sumvitg
Liug e parcellas: Plaun da Crusch; 4100
Object: remplazzament geina

Il profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da
baghegiar Sumvitg enteifer 20 dis dapi il datum da publicaziun.

Sumvitg, 16-08-2019

Cumissiun da baghegiar

Scamond d'encurir bulius

Sebasond sils art. 11 e 12 dall'ordinaziun cantunala davart la protecziun dalla natira e dalla
patira ei en special da risguardar las suandontas restricziuns:

- Egl interval dils 1 entochen e cun il 10avel di da mintga meins eis ei scumandau d'encurir
bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da
tuttas specias.
- Igl ei scumandau da rimnar bulius en gruppas da pli che treis personas.
- Il diever d'utensils per rimnar bulius ei scumandau.

Nus supplichein da respectar quellas disposiziuns ed engraziein per Vossa capientscha.

Sumvitg, 16-08-2019

Suprastonza communal Sumvitg

Serrada dalla via Rosas

A partir dils 19 d'uoost 2019 vegn il conduct d'aua dalla firma Axpo sanada sil tschancun denter
Bogn Tenigia e Runcahez. Per exequir las lavurs sto la via da Rosas denter la Val Caho e la
Val Camenisch vegnir serrada per tut il traffic motorisau. A pei e cun velo eis ei pusseivel da
passar. Las lavurs cuozzan entochen la fin november 2019.

Dapli informaziuns survegnis vus tiel l'Axpo Hydro Surselva AG / Tavanasa tel. 081 929 25 11.
Engraziel per Vossa capientscha.

Sumvig, 16-08-2019

Axpo Hydro Surselva AG

Fiasta da pumpiers

Il corp da pumpiers envida alla fiasta dils pumpiers da Sumvitg-Trun cun inauguraziun dil niev auto-cistiarna. La fiasta ha liug sonda, ils 31 d'uoost 2019 a Rabius Igniu.

Program:

- 10.00 avertura dalla fiasta
- 11.00 benedicziun dil niev auto-cistiarna
- 11.30 differents plaids d'avertura
- 12.00 gentar cun bunas tratgas giu dil gril
- 13.00–16.00 p resentaziun da vehichels e material entras ils pumpiers Cordialmein envidan

ils pumpiers Sumvitg-Trun

Fiasta dil vitg a Cumpadials

Sonda, ils 24-8 e dumengia, ils 25-8 ha liug a Cumpadials sco usitau la fiasta dil vitg avon l'antieriura casa da scola. Sonda: concert cun la band Jenja allas 19.00, gril e bar naven dallas 18.00. Dumengia: survetsch divin cun avat Vigeli allas 10.00, silsunter pulenta cun groma e gril e star da cumpignia. L'uniun da cultura e sport Cumpadials envida cordialmein tut ils vischins e las vischinas da Cumpadials e d'ordvart, ils ulterius habitonts dalla vischnaunca da Sumvitg e tut quels che vulan guder in bien gentar da cuminonza. Nus selegrein sin Vossa viseta!

Societad da tir Vial Sumvitg

Tir obligatori 2019

La societad da tir Vial Sumvitg envida al tir obligatori ils suandonts termins:

Dumengia, ils 25 d'uoost 2019 allas 15.00–17.30

Adatg! Tiradurs obligai ston presentar il camond da tir sco era il cudisch da sittar resp. il carnet da prestaziun. Quei tir sa sulettamein vegnir sittaus quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

Entschatta digl onn da scola 2019/20

Scolarets e scholars primars

La messa da scola per ils scolarets, ils scholars e lur geniturs dalla casa da scola da Rabius ha liug **gliendisdis, ils 19-8-2019** allas 8.30 en baselgia a Rabius. Sunter messa seradunan ils scolarets ed ils scholars en scola per in beinvegni entras Erica Cavegn, presidenta dil Cussegl da scola. Ils geniturs dils affons dalla scoletta e dalla 1. classa astgan accumpignar lur affons en stanza da scola. Ils transports curseschan tenor igl urari publicau sin nossa pagina d'internet www.scolasumvitgtrun.ch.

ScolarAs superiurAs

La messa da scola per ils/las scolarAs dil scalem superiur dalla vischnaunca da Sumvitg ha liug gliendisdis, ils 19-8-2019 allas 8.15 ella baselgia da Trun. Sunter messa seradunan tuts en sala da cultura per in beinvegni entras il menader da scola, Peter Kreiliger. Ils geniturs ein era envidai cordialmein. Ils transports curseschan tenor igl urari publicau sin nossa pagina d'internet www.scolasumvitgtrun.ch. Nus giavischein a tuts scolarets ed a tuts scholars ina bun'entschatta pil niev onn da scola. *Consorzi da scola Sumvitg-Trun*